

VENDIM
Nr. 37, datë 13.7.2016

**PËR SHPËRNDARJEN E FINANCIMIT PËR PROJEKTE TË GRANTIT “ARSIMI”,
THIRRJA E DYTË, PROGRAMI I ZHVILLIMIT TË INFRASTRUKTURËS VENDORE
DHE RAJONALE, SHTYLLA I, PËR VITIN 2016**

Në mbështetje të nenit 100 të Kushtetutës, të nenit 15 e të aneksit 3, të ligjit nr. 147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpërndarjen e financimit për projekte të reja, thirrja e dytë, për vitin 2016, për grantin “Arsimi”, programi i zhvillimit të infrastrukturës vendore dhe rajonale, shtylla I, sipas tabelës 1 bashkëlidhur këtij vendimi.

2. Të gjitha autoritetet kontraktuese, projektet e të cilave miratohen për t’u financuar, sipas pikës 1, të këtij vendimi, brenda një jave nga data e publikimit të tij në Fletoren Zyrtare, duhet të paraqesin në sekretariatin teknik, pranë Ministrisë së Arsimit dhe Sportit, kalendarin me të gjitha afatet e parashikuara për fazat e prokurimit publik dhe të zbatimit të punimeve të ndërtimit e përdorimit të fondeve, si dhe emrin e personit përgjegjës për informim.

3. Autoritetet kontraktuese për projektet, sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fund të tremujorit të tretë të vitit 2016. Për fondet e projekteve të paprokuruar sipas këtij afati, Komiteti për Zhvillimin e Rajoneve ka të drejtën të rishqyrtojë financimin dhe t’i rishpërndajë ato.

4. Ngarkohet sekretariati teknik në Ministrinë e Arsimit dhe Sportit, të kryejë monitorimin e ecurisë së përdorimit të fondeve, sipas kalendarit të paraqitur nga autoritetet kontraktuese, në përputhje me pikën 2 të këtij vendimi dhe të informojë Ministrinë e Financave, dhe periode-kishtë Komitetin për Zhvillimin e Rajoneve, përmes Sekretariatit të Përgjithshëm të Komitetit për Zhvillimin e Rajoneve.

5. Ngarkohen ministri i Arsimit dhe Sportit dhe ministri i Financave për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Niko Peleshi

Zëvendëskryeministri	Zëvendëskryetar,
Ministri i Financave	anëtar,
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar,
Ministri i Transportit dhe Infrastrukturës	anëtar,
Ministri i Arsimit dhe Sportit	anëtar,
Ministri i Bujqësisë, Zhvillimit Rural dhe Administrimit të Ujërave	anëtar,
Ministri i Shëndetësisë	anëtar,
Ministri i Kulturës	anëtar,
Ministri i Mjedisit	anëtar,
Ministri i Punëve të Brendshme	anëtar,
Ministri i Shtetit për Inovacionin dhe Administratën Publike	anëtar,
Ministri i Shtetit për Çështjet Vendore	anëtar,
Kryetari i Shoqatës së Qarqeve të Shqipërisë	anëtar,
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar,
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar,
Përfaqësuesi i Bordit të Agjencisë për Zhvillim Rajonal nr.3	anëtar,
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1. Lista e projekte të reja për financim, thirrja e dytë, përmes grantit “Arsimi”, programi i zhvillimit të infrastrukturës vendore dhe rajonale, shtylla I, për vitin 2016

Nr.	Autoriteti kontraktues	Emërtimi i projektit	Vlera e projektit (në lekë)	Vlera e financimit për vitin 2016 (në lekë)	Vlera e financimit për vitin 2017 (në lekë)
1	Bashkia Gramsh	Rikonstrukcion i shkollës 9-vjeçare “Asllan Shahini”, Bashkia Gramsh	55 024 983	27 512 492	27 512 492
2	Bashkia Fier	Rikonstrukcion total i shkollës 9-vjeçare, “Ymer Xhafa”, Dermenas	57 730 727	28 865 364	28 865 364
3	Bashkia Divjakë	Shtesë anësore dhe rikonstrukcion i shkollës 9-vjeçare, Çermë-Shkumbin, Komuna Terbuf	88 549 424	44 274 712	44 274 712
4	Bashkia Roskovec	Rikonstrukcion shkollat 9-vjeçare, Strum, shkolla fillore “Arrapaj”, shkolla. “Naun Doko”, shkolla “Jorgo Sopiku”, “Ali Sollaku”, “Didin Bishani” dhe “Alush Grepcka”	13 749 991	6 874 996	6 874 996
5	Bashkia Mallakastër	Ndërtim shkolla 9-vjeçare “Panahor”, fshati Aranitas	59 998 330	29 999 165	29 999 165
6	Bashkia Tiranë	Ndërtim i shkollës 9-vjeçare “Kosova” Tiranë	281 375 232	100 687 616	180 687 616
7	Bashkia Librazhd	Ndërtim i shkollës 9-vjeçare, fshati Gurakuq dhe fshati Rinas	11 203 080	5 601 540	5 601 540
8	Bashkia Tiranë	Ndërtimi i sallës së koncerteve, pranë auditorit të Liceut Artistik “Jordan Misja”	118 387 443	59 193 722	59 193 722
		SHUMA	686 019 210	303 009 607	383 009 607

Shënim

1. “Vlera e plotë e projektit”, përfaqëson vlerën brenda së cilës caktohet fondi limit për prokurimin e zbatimit të punimeve (kur nuk ka financim tjetër nga autoritetet kontraktuese). Kjo vlerë shërben si referencë për përllogaritjen e vlerës së financimit për vitin 2016 dhe korrektohet nga vlera e kontratës, pas nënshkrimit të saj. Fondi i përfutur nga diferenca midis vlerës së projektit dhe vlerës së kontratës, pas nënshkrimit të kontratës, i shtohet portofolit të grantit “Arsimi”, programi i zhvillimit të infrastrukturës vendore dhe rajonale, shtylla I dhe shpërndahet, brenda vitit 2016, për financimin e projekteve në vazhdim. Vlera e plotë e projektit përcillet nga sekretariati teknik (Ministria e Arsimit dhe Sportit).

2. “Vlera e financimit për vitin 2016” tregon vlerën e financimit që alokohet nga buxheti, për vitin 2016, me këtë vendim.

3. “Vlera e financimit”, për vitin 2017 tregon vlerën e mbetur të financimit, pas diferencës midis vlerës së kontratës dhe vlerës së financimit për vitin 2016.